

For more information, please call/text us at: **0920-911-1398** or visit:
www.philrice.gov.ph | www.pinoyrkb.com | www.openacademy.ph

Panagani babaen iti *combine harvester*

[Panaggapas]

Napateg ti naintiempuan a panaggapas. Agapit no ti pagay ket addan 85-90% a nataengan. Agamarilio ken natangenen dagiti binukel iti murdong ti dawa numanpay madama pay laeng nga agtangken dagiti binukel iti puon ti dawa. No nasapa unay a gapasen ti pagay, adu ti saan a natangenan a binukel ken nababa ti *milling recovery*. No met marpekan wenno naladaw unay a gapasen ti pagay, adu ti maregreg a binukel ken adu ti matumek no maipabayo. Adu pay ti mapukaw gapu ta kanen ti bao, billit/tumatayab ken insekto.

Al-alisto ti agani no agusar iti *combine harvester* agsipud ta paggiddanenna ti aggapas ken agirik. Mabalina a mausar daytoy iti amin a klase ti pagtatalunan malaksid iti nakaisayangkatan dagiti eksperimento.



PhilRice-Briggs ken Stratton Minicombine

Panangusar iti *combine harvester*:

- Kitaen no nakakondision ti *combine harvester* sakbay nga usaren.
- Ikkaten amin a pasok nga adda iti talon.
- Umuna a gapasen iti kumpay dagiti pagay iti suli ken igid ti talon tapno malappedan ti panagdeppes ken pannakadadael ti pagay a madalapus ti *combine harvester*.
- Siguraduen nga umiso ti kapardas iti *combine harvester*.
- Usaren ti pagpasanod a kambio no aglikko kadagiti suli ti talon tapno malappedan ti panagdeppes ken pannakadadael ti pagay.
- Dagus nga ipan dagiti nakargaan ti irik a sako iti namaga a disso tapno saan a mabasa wenno mapitakan a mabalina a makagapu ti pannakaibaba ti kalidad ti irik.

Sakbay nga usaren ti *combine harvester*:

- Dalusan a naimbag ti *cutting assembly*, *auger conveyors*, treser ken ti pagdalus a pasetna tapno maliklikan a malaukan ti irik.
- Dalusan dagiti sako a pagikargaan iti irik.

Source: Field Operations Manual. 2007. Philippine Rice Research Institute.

Language translators/editors:

Bethzaida M. Catudan

Reynold M. Caoili

Julie Pinpin

Eufemio Barayuga